

Script Of Evening Gojri News Bulletin 22 June 2024 at 1700 Hrs

ایوننگ گو جری نیوز بلیٹن مورخہ 22 جون 2024

یوہ آکا شوانی جموں بے طارق ابرار تے عبدالمجید تیں خبر سنو۔ پہلاں خاص خاص خبر۔

*1۔ بھارت تے بنگلہ دیش نے نوی دہلی مانہ بکھ بکھ شعباں مانہ اقرار نامہ غو تبادلہ تے کئی مفاہمت نامہ غی تجدید کی ہے۔ بھارت بنگلہ دیش غا شہریاں نانہ علاج معالجہ غی خاطر میڈیکل ای ویزہ سہولت مہیا کران گو اعلان کیو ہے۔

*2۔ لیفٹنٹ گورنر منوج سنہا نے کہیو ہے جے امرناتھ یا ترا نانہ احسن طریقہ تے باحفاظت طور ور کران نانہ یقینی بنان واسطے سرکار تمام ضروری اقدام کر رہی ہے۔

*3۔ جموں کشمیر مانہ تولان اسمبلی انتخابات کران تے ریاست غو درجو بحال کرن غا سلسلہ مانہ وزیر اعظم غی یقین دہانی غو سیاسی پارٹیاں نے خیرمقدم کیو ہے۔

*4۔ تے کھیلاں مانہ تیر اندازی عالمی کپ سٹیج 3 مانہ بھارت نے شاندار کارکردگی غو مظاہرہ کیو ہے جد کہ ٹی ٹوانٹی عالمی کرکٹ مانہ بھارتی ٹیم غو آج شام بنگلہ دیش غی ٹیم سنگ مقابلہ وے گو۔

خبراں غی تفصیل نال پہلاں طارق ابرار۔

India Bangladesh

بھارت تے بنگلہ دیش نے آج بکھ بکھ شعباں جن مانہ ڈیجیٹل تے ماحولیات دوست شراکت داری، بحری سفر تیں متعلق سمندری معیشت غے متعلق بلو اکامی، صحت، طب، خلائی

تعاون، ریلویرابطہ، قدرتی آفات نال نمڑن تے مابی گیری وغیرہ شامل ہیں غا اقرار نامہ غو تبادلہ تے کئی مفاہمت نامہ غی تجدید کی۔ اقرار نامہ غو تبادلہ وزیر اعظم نریندرمو دی تے

بنگلہ دیش غی ان غی ہم منصب شیخ حسینہ غا نوی دہلی گا دورہ غے دوران دوطرفہ گل بات تیں بعد کیو گیو۔ اک پرس کا نفرنس مانہ وزیر اعظم نریندرمو دی نے کہیو جے بنگلہ

دیش بھارت غا ہمسایہ بارے پہلی پالیسی، ایکٹ ایسٹ پالیسی، ویزن ساگر تے بھارت بحر الکابل ویزن غا سنگم ور واقع ہے۔ انہاں نے کہیو جے عوامی بہبود غا کئی اہم پروجیکٹ

دوہاں ملکاں نے اکھٹاں مکمل کیا ہیں۔ وزیر اعظم نے کہیو جے بھارت بنگلہ دیش غا لوکاں واسطے علاج معالجہ غا سلسلہ مانہ ای میڈیکل ویزہ غی سہولت شروع کرے گو۔ بنگلہ

دیش غی وزیر اعظم نے بھارت نانہ اک بھروسہ مند، دوست تے علاقائی شراکت دار دسیو تے وزیر اعظم نریندرمودی نانہ بنگلہ دیش غو دور وکرن غی وی دعوت دتی۔ آج سویرے

نکی لو راشٹر پتی بھون مانہ شیخ حسینہ غو رسمی استقبال کیو گیو تھو۔

LG Yatra

اس مہینہ غی 29 تا ریخ نانہ شروع ہون آلی امرناتھ یا ترا غا سلسلہ مانہ لیفٹنٹ گورنر منوج سنہا نے کہیو ہے جے احسن طریقہ نال باحفاظت تے بغیر خلل غے یا ترا منعقد کران

نانہ یقینی بنان واسطے سرکار ہر ممکن اقدامات کر رہی ہے۔ سالانہ امرناتھ جی یا ترا غا شروع مانہ منعقد ہون آلی پر تھم پوجا کرن تیں بعد ایل جی نے اک سوشل میڈیا پوسٹ

مانہ دسیو جے سرکار نے عقیدت منداں واسطے مجموعی طور ور یا ترا بہتر طریقہ نال کران غا سلسلہ مانہ ضروری سہولیات، بنیادی ڈھانچو بہتر کیو ہے تے حفاظتی انتظامات

تگڑا کیا وا ہیں۔ جناب سنہا نے مزید کہیو جے جموں کشمیر غی یاہ پرانی روایت ہے جے

تمام طبقات کا لوگ اس یاترا مانہ بلا لحاظ مذہب و ملت حصو لیں۔ انہاں نے شہریاں ور زور پایو جے اکھٹا ہو غے بیرون مُلک تے مُلک کا دوجا حصاں تیں آن آلا یا تریاں غو استقبال کیو جا ئے۔

LG Yatra Initiative

لیفٹنٹ گورنر منوج سنہا نے شری امرناتھ جی یا ترا 2024 واسطے دیہی صفائی ستھرائی کا ڈائریکٹوریٹ کا بکھ بکھ سوچہ اقدام گوراج بھون مانہ افتتاح کیو۔ انہاں نے اس موقع ور کہیو جے نوو لوگو، سوچہ یا ترا ترانو، ویب سائٹ تے مو با نیل ایپلیکیشن زیرو ویسٹ یا ترا گا مہارا مقصد واسطے فائدہ مند وے گی۔ یوٹی انتظامیہ تے شری امرناتھ جی شرانین بورڈ غی حکمت عملی نانہ زیر غور لاتاں واں ایل جی نے کہیو جے صاف تے باصلاحیت صفائی ستھرائی کا نظام نال قدرتی وسائل غی مکمل حفاظت پائیدار سیاحت نانہ بابد ودین تے اس پوتر یا ترا واسطے انسانی ٹیکنالوجی کا وسائل کا امتزاج غے ذریعے کم کر رہی ہے۔ ایل جی نے مزید کہیو جے شیوم سنکلپ اسٹو ڈاٹ ان تے نندی یا تراسار تھی ایپ جیپڑی اج شروع کی گئی ہے یا ترا غے متعلق تے صفائی ستھرائی بارے صحیح جانکاری فراہم کریں گی۔

JK ODOP

جموں کشمیر مانہ معاشی ترقی کا مواقع نانہ بابدو دین واسطے شروع کیا گیا "اک ضلع اک مصنوعات" پہل کا خاطر خواہ نتائج ور اطمینان غو اظہار کرتاں واں لیفٹنٹ گورنر منوج سنہا نے کہیو جے سرکار خطہ کی امیر ثقافت، وراثت اور ذریعی صلاحیتاں نانہ مد نظر رکھ غے ایسی پالیسی بنا رہی ہے جس سنگ پائیدار ترقی تے روزگار یقینی بن سکے۔ لیفٹنٹ گورنر نے اس گل غو اظہار گذشتہ روز سرینگر مانہ کشمیر ہیری ٹیج گورنمنٹ آرٹس ایمپوریم مانہ جموں کشمیر تجارتی شو 2024 غو افتتاح کرتاں واں کہیو۔ ایل جی موصوف نے بیوپاریاں، تاجر، کارکن اور آغان آلاں غی ہتھ کھڈی، دستکاری، ذراعت اور باغبانی شعبہ غی ترقی مانہ شاندار رول نانہ سراہیو۔ لیفٹنٹ گورنر نے سرکار غی طرفوں وزیر اعظم نریندر مو دی غی نگرانی مانہ ذراعت، دستکاری اور ہتھ کھڈی مانہ لیا نی جا رہی انقلابی تبدیلیاں نانہ وی آجاگر کیو۔

Doda Arrests

ڈوڈہ پولیس نے ضلع ڈوڈہ کا گندوہ علاقہ غی ٹائٹا پنچایت کا درمن گراں تیں دہشت گرداں کا 3 سہولت کاراں نانہ گرفتار کر لیا ہے۔ جہیڑا پاکستانی دہشت گرداں نانہ پیسہ غے بدلے کھان پین تے دوجی سہولت مہیا کراویں تھا۔ 11 جو لانی کی رات نانہ چہتر گلہ مانہ فوج تے پولیس غی سانجھی پارٹی ور اور 12 جون نانہ گندھو مانہ 3 تیں 4 پاکستانی دہشت گرداں نے حملو کر غے 7 سلامتی اہلکاراں نانہ زخمی کر دتو تھو۔ اس حملہ تیں بعد سلامتی دستاں نے تلاشی کا روائی شروع کر دتی تھی لیکن پاکستانی دہشت گرد نہیں لب سکیا تھا۔

Akashvani Oxford

بھارت مانہ آکا شوانی نیوز نانہ اک سب تیں زیا دہ بھروسہ مند خبراں کا ما رکا غے طور ور تسلیم کیو گیو ہے۔ صحافت کا مشاہدہ واسطے ریپورٹرز ادارہ غی طرفوں حال ہی مانہ

کیاسروے مانہہ آکسفورڈ یونیورسٹی نے ملک غا ذرائع ابلاغ غا تناظر مانہہ آکا شوانی نیوز غی ممتاز درجہ غے طور ور تصدیق کی ہے۔ ڈیجیٹل نیوز رپورٹ 2024 غا اک حصہ غے طور ور جاری اس سالانہ اشاعت مانہہ آکا شوانی نیوز نے ملک مانہہ دوجا منیا وا ذرائع ابلاغ تین بھروسہ مانہہ بہت اہم درجہ بندی حاصل کی ہے۔ اس حصولیابی ور پراسار بھارتی چیرمین نونیت کمار سہگل نے دسیو جے تمام قسم غا حالات مانہہ سچی نشریات غی وجہ نال یاہ کامیابی لبی ہے۔

یہ خبر تم آکا شوانی جموں تین سن رپیا ہیں خبراں غا باقی حصہ نال طارق ابرار۔

JK Election Update

وزیر اعظم غی طرفوں جموں کشمیر مانہہ تاواں اسمبلی چناؤ کران غی یقین دہانی اور چناؤ کمیشن غی طرفوں رائے دہندگان غی فہرستاں غی تجدید غا اعلان نانہہ سیا سی جماعتاں نے خوش آئند قدم قرار دتو ہے۔ اور اس نانہہ جموں کشمیر غا ریاست غا درجہ غی بحالی آلے پا سے اہم پیش رفت سمجھیو جا رہیو ہے۔ چناؤ کمیشن نے آتا مہینہ غی پہلی تا ریخ نانہہ انتخابی فہرستاں غی تصدیق واسطے مقرر کیو ہے۔ بی جے پی غے نال نال کانگریس نے وی اس قدم نانہہ سراہیو ہے۔ آکا شوانی گا ضلع نمائندہ انکوش شرما سنگ گل کرتاں واں بی جے پی غا ترجمان آر ایس پٹھانیہ اور کانگریس غا ترجمان رویندر شرما نے اس طرح کہیو۔ بانٹ۔

Akhnoor Mishap

جموں غا اکھنور علاقہ مانہہ اکھنور جوڑیاں سڑک ور بمال غے کول دو مسافر بساں غی ٹکر غا نتیجہ مانہہ کہٹوں کہٹوں 20 افراد زخمی ہو گیا ہیں۔ حادثہ تین بعد پولیس تے مقامی لوکاں غی مدد نال بچاؤ کا روائی عمل مانہہ لیانی اور زخمیاں نانہہ فوری طور سب ضلع ہسپتال منتقل کیو۔ 3 شدید زخمی مسافراں نانہہ ان غی تشویشناک حالت دیکھتاں واں جموں میڈیکل کالج پہرتی کیو گیو ہے۔ پولیس نے معالو درج کر غے حادثہ غی وجوہات غی تحقیقات شروع کر دتی ہے۔

ITBP

جموں سرینگر قومی شاہراہ ور بانہال غا کھا رپورہ گراں غے کول اک نجی ٹرک گہری کھائی مانہہ جا پیو۔ جس غا نتیجہ مانہہ اس مانہہ سفر کر رپیا 3 آئی ٹی پی جواناں سمیت 4 افراد زخمی ہو گیا۔ حادثہ تین بعد زخمی ہوا 4 مسافراں نانہہ موقع وروں گڈھ غے علاج و معالجہ واسطے سب ضلع ہسپتال بانہال منتقل کیو گیو۔ پولیس ذریعاں غے مطابق اس حادثہ غا زخمیاں غی حالت خطرہ تین باہر ہے۔

Archery Gold

ترکی مانہہ جاری انتا لیا تیر اندازی عالمی کپ 2024 مانہہ بھارت غی جیوتی سڑیکھا، پرنیت کور تے ادیتی سوامی نے کمپاؤنڈ ٹیم مقابلہ غے دوران سونا غو تمغو جیت لیو ہے۔ تریاں کانسری تیر اندازاں نے ایسٹونیا 229/232 نانہہ سویرے مقابلہ مانہہ اج دوپہر نانہہ برابو اور اس سیزن مانہہ مکمل صاف کرتاں واں تمام ترے عالمی کپ سطح غا کمپاؤنڈ ٹیم مقابلہ مانہہ سونا غا تمغہ جیت لیا۔

Cricket

آئی سی سی مردان غا ٹی 20 عالمی کرکٹ کپ مانہ بھارت غی ٹیم اج سُر 8 مقابلہ مانہ بنگلہ دیش غے خلاف میچ کھیڈے گی۔ یوہ مقابلو انٹیگا غا سر ویوین رچرڈ اسٹیڈیم مانہ کھیڈیو جائے گو۔ بھارتی کرکٹ ٹیم اپنی جیت درج کرن واسطے پُر امید ہے۔ اس میچ مانہ کامیابی بھارتی ٹیم نانہ سیمی فائنل آلے پاسے لیجان مانہ مددگار ثابت وے گی۔ اپنا پہلا سُر 8 مقابلہ مانہ بھارتی ٹیم نے افغانستان غی ٹیم نانہ 47 دوڑاں غا فرق سنگ ہرا دتو تھو۔

اس غے نال ہی خبراں غو یوہ بلیٹن ختم بوؤ۔